



ლანჩხუთის მუნიციპალიტეტის საკრებულო



წერილის ნომერი: 31-31223064
თარიღი: 02/11/2022

ადრესატი:

ბესიკ ტაბიძე
ლანჩხუთის მუნიციპალიტეტის საკრებულო-საკრებულოს თავმჯდომარე

ლანჩხუთის მუნიციპალიტეტის საკრებულოს ღრმაღელის ადმინისტრაციული ერთეულის მაჟორიტარი დეპუტატის კახა თედორაძის 2021 წლის 3 დეკემბრიდან დღეის მდგომარეობით გაწეული მუშაობის შესახებ ანგარიშის წარდგენის

ოქმი

მუნიციპალიტეტის დასახელება: ლანჩხუთის მუნიციპალიტეტი

ადმინისტრაციული ერთეული: ღრმაღელე

შეხვედრის ჩატარების თარიღი: 29. 10. 2022 წელი 13:00 საათი

შეხვედრას ესწრებოდნენ: ღრმაღელის ადმინისტრაციული ერთეულის მაჟორიტარი დეპუტატი კახა თედორაძე, საკრებულოს იურიდიულ საკითხთა და ეთიკის კომისიის თავმჯდომარე გიორგი ხელაძე, საკრებულოს ფრაქცია „ქართული ოცნება - დემოკრატიული საქართველოს“ თავმჯდომარე ია მოქია, საკრებულოს ფრაქცია „ქართული ოცნება - დემოკრატიული საქართველოს“ თავმჯდომარის მოადგილე კარლო წილოსანი, ღრმაღელის ადმინისტრაციულ ერთეულში მერის წარმომადგენელი ბატონი გოჩა დოლიძე, საკრებულოს აპარატის მესამე რანგის პირველი კატეგორიის უფროსი სპეციალისტი ნუნუ სულაკაძე, საკრებულოს აპარატის მესამე რანგის პირველი კატეგორიის უფროსი სპეციალისტი საზოგადოებასთან ურთიერთობის საკითხებში ლაშა სარჯველაძე.

კახა თედორაძე შეხვდა ღრმაღელის ადმინისტრაციული ერთეულის მოსახლეობას. ანგარიშის წარდგენამდე ის მიესალმა დამსწრე საზოგადოებას და მადლობა გადაუხადა ადგილობრივ მოსახლეობას, რომ გამოჩნხეს დრო მასთან შესახვედრად. ამის შემდეგ აღნიშნა, რომ საქართველოს ორგანული კანონის „ადგილობრივი თვითმმართველობის კოდექსის“ 88-ე მუხლის 1-ლი ნაწილის და „ლანჩხუთის მუნიციპალიტეტის საკრებულოს რეგლამენტის შესახებ“ 2014 წლის 24 ივლისის №13 დადგენილების 131-ე მუხლის 1-ლი პუნქტის შესაბამისად საკრებულოს ყველა წევრი ვალდებულია ამომრჩეველს ყოველწლიურად წარუდგინოს ანგარიში გაწეული მუშაობის შესახებ. დეპუტატი შუალედურ როლს ასრულებს მოსახლეობასა და აღმასრულებელ ხელისუფლებას შორის.

დეპუტატმა აღნიშნა, რომ პრემიერ-მინისტრის ინიციატივით, პროგრამა „განახლებული რეგიონების“ ფარგლებში მუნიციპალიტეტში მასშტაბური სამუშაოები განხორციელდა. კერძოდ, დასრულდა ცენტრალური პარკის რეაბილიტაცია, სადაც გაკეთდა ბავშვთა გასართობი ადგილები. განახლდა 12 შენობა-ნაგებობის ფასადი. მიმდინარეობს ცენტრალური მაგისტრალიდან ქალაქში

შემოსასვლელი კვანძის მიმდებარე ტერიტორიის მშენებლობა, რომლის დასრულება იგეგმება წლის ბოლომდე.

კახა თედორაძე ასევე შეეხო გაზიფიცირების და წყალმომარაგების საკითხებს და აღნიშნა, რომ 12 ადმინისტრაციული ერთეული სრულიად გაზიფიცირებულია, დარჩენილია ოთხი ადმინისტრაციული ერთეული. ასევე, გაერთიანებული წყალმომარაგების დახმარებით 2021 წელს გამოცხადდა ტენდერი, რომლის პროექტი და სამშენებლო სამუშაოები მოიცავს 12 სოფელს. საერთო ჯამში დაიხარჯება 24 000 000 ლარი. სამუშაოები დასრულდება 2023 წლის აპრილისთვის, რის შემდეგაც 2000 მეტი ოჯახი უზრუნველყოფილი იქნება მაღალი სტანდარტის და სანიტარული ნორმებით გათვალისწინებული წყლით. ასევე, სუფსაში დასრულდა იუსტიციის სახლის მშენებლობა. რეგიონში განსახორციელებელი პროექტების ფონდიდან ქალაქში მრავალბინიანი სახლების სახურავები შეიცვალა. იგეგმება გორგასლის ქუჩაზე მრავალ ბინიანი სახლის საძირკვლის გამაგრება. ქალაქის 8 ქუჩაზე დასრულდა გზის სარეაბილიტაციო სამუშაოები. ქალაქის დარჩენილი ქუჩების რეაბილიტაცია დაგეგმილია უახლოეს მომავალში.

აუცილებლად აღსანიშნავია ისიც, რომ მიმდინარეობს სოფ. ჩიბათიდან კოლხეთის ეროვნულ პარკში შესასვლელი გზის და მდინარე ფიჩორის სანაპიროზე ტურისტული ინფრასტრუქტურის სამშენებლო სამუშაოები. ასევე, სოფ. ორაგვეში გზის, 5 კმ ველობილიკის, გადმოსახედისა და 400 მ ზიპლაინის მოწყობა. ეს პროექტები მიზნად ისახავს გურიაში ტურიზმის განვითარების ხელშეწყობას, ახალი სამუშაო ადგილების შექმნას და რეგიონის უნიკალური ტურისტული მიმზიდველობის პოპულარიზაციას. 2022 წლის დაგეგმილი პროექტების ღირებულებაა: 11 894 404.88 ლარი.

კახა თედორაძე ყურადღება გაამახვილა 2021 წელსი განხორციელებულ პროექტებთან დაკავშირებით. კერძოდ: შიდა სასოფლო გზების რეაბილიტაცია, ამბულატორიების მშენებლობა და საჭირო ინვენტარით მოწყობა, 15 ადმინისტრაციულ ერთეულში სოფლის პროგრამის ფარგლებში გათვალისწინებული ინფრასტრუქტურული სამუშაოების ჩატარება, განხორციელდა დაზიანებული ხიდების სარეაბილიტაციო სამუშაოები, სტადიონის რეაბილიტაცია, ასევე, გასულ წელს დასრულდა გრანდიოზული პროექტი-ბავშვთა საფეხბურთო აკადემიის მშენებლობა, მისი საჭირო სპორტული და სხვა ინვენტარით აღჭურვა. აგრეთვე, საცხოვრებელი ბინების სახურავის შეცვლა, მდინარის კალაპოტის, ნაპირსამაგრის და სანიაღვრე არხების მოწყობა, სტიქიის შედეგად დაზიანებული გზების სარეაბილიტაციო სამუშაოები, ცენტრალური მაგისტრალის გასწვრივ საფეხმავლო ბილიკების მოწყობა, ნამატი წყლის კოლექტორის მოწყობა. სულ 2021 წლის პროექტების ღირებულება შეადგენს 7 729 389.42 ლარს.

მან აგრეთვე აღნიშნა, რომ განათლებისა და მეცნიერების სამინისტრო სასკოლო ინფრასტრუქტურის განვითარების პროგრამას ახორციელებს, რომლის ფარგლებში 2026 წლისთვის ყველა საჯარო სკოლა უზრუნველყოფილი იქნება გამართული ინფრასტრუქტურითა და თანამედროვე სტანდარტების შესაბამისი ინვენტარით. სკოლები ადაპტირებული იქნება შშმ პირებისთვის, კეთილმოეწყობა კლას-კაბინეტები, საბუნებისმეტყველო საგნების ლაბორატორიები, ექიმის (ექთანის) კაბინეტები, სპორტული მოედნები და ეზოები. ლანჩხუთის მუნიციპალიტეტში დასრულდა თანამედროვე სტანდარტების შესაბამისი მულტიპროფილური კოლეჯის მშენებლობა. პროფესიული განათლების მსურველები შეძლებენ ტურიზმის, სოფლის მეურნეობის, ინფორმაციული ტექნოლოგიების, ინჟინერიის, განათლებისა და მომსახურების სფეროს და სხვა პროფესიების დაუფლებას. მიმდინარე წელს მოხდება შესაბამისი კადრების შერჩევა-გადამზადება, ხოლო 2023 წლის იანვრიდან შეძლებენ სტუდენტების მიღებას. გარდა ამისა, მუნიციპალიტეტი აგრძელებს სკოლამდელი აღზრდის დაწესებულებების ინფრასტრუქტურის მოწესრიგებას. კმაყოფილდება თანამედროვე მოთხოვნების სტანდარტი. მუნიციპალური განვითარების ფონდის დაფინანსებით სუფსასა და ხაჯალიაში 100-100 ბავშვზე

გათვლილი საბავშვო ბაღი შენდება და 2023-2024 სასწავლო წლისთვის აღსაზრდელები ახალ საბავშვო ბაღში გააგრძელებენ სწავლას. საერთო ჯამში ამ ბაღების მშენებლობაზე იხარჯება 8 200 000 ლარი.

კახა თედორაძე ასევე შეეხო მუნიციპალიტეტის ჯანდაცვის პროგრამულ ნაწილში სიახლეებს და აღნიშნა, რომ ფრაქციის ინიცირებით შემუშავდა ონკოდაავადებულების PET/KT (პოზიტრონ ემისიური ტომოგრაფიის) კვლევის 20%-ით თანადაფინანსება. ამასთან, მიდის მუშაობა, რომ 2023 წლისთვის თანადაფინანსება გაიზარდოს 30 %-მდე, მაგრამ ასევე, შეეცდებიან, რათა თანადაფინანსებამ მოიმატოს 50 %-დე. სიახლეა ისიც, რომ ბიკარბონატული ჰემოდიალევზით-თირკმლის ქრონიკული უკმარისობით დაავადებულთა შესაბამისი პროცედურა ახლო მომავალში ბენეფიციარებს ჩაუტარდებათ ადგილზე, რეგიონული ჯანდაცვის ცენტრში. დეპუტატმა ასევე აღნიშნა, რომ „სოფლის მხარდაჭერის“ პროგრამის ფარგლებში წყალწმინდას გამოეყო 20 ათასი ლარი, რომლითაც მოეწყო გარე-განათება. გარდა ამისა, ღრმარელეში იგეგმება ახალი ამბულატორიის კეთილმოწყობა და საბავშვო ბაღის მშენებლობა. საკრებულოს წევრის თქმით, სოფელ წყალწმინდაში მოსახლეობის სურვილია გამოიყოს კვირაში ერთხელ სოფლის ექიმი. აგრეთვე, დაგეგმილია ღრმარელის სკოლის რეაბილიტაცია.

ამის შემდეგ შეხვედრა გაიმართა კითხვა-პასუხის რეჟიმში. ადგილობრივი მოსახლეობის მიერ დაისვა შემდეგი სახის პრობლემები:

სოფელ წყალწმინდიდან, მიუხედავად იმისა, რომ უმოკლესი გზაა, არ არის ზღვაზე გასასვლელი. მაჟორიტარმა დეპუტატმა კახა თედორაძემ და მერის წარმომადგენელმა ღრმარელის ადმინისტრაციულ ერთეულში განმარტეს, რომ დაპროექტებულია გვირაბის მოწყობა ავტობანზე.

„სოფლის მხარდაჭერის“ პროგრამის ფარგლებში განსახორციელებელ პროექტებს აუცილებლად უნდა დაემატოს საყანე ფართობების შემოღობვა, რადგან უსახსრობის გამო წლების განმავლობაში მიტოვებულია მიწის ნაკვეთების დამუშავება (რკინიგზის პირას და ლიმონარიუმის ტერიტორიაზე).

სოფელ ქვიშიანზე შენობის სოფლისთვის გადმოცემა, სადაც მოეწყობა ახალგაზრდული ცენტრი, რაზეც კახა თედორაძემ, აღნიშნა რომ საკითხი დაყენებულია შესაბამის სტრუქტურებში.

დაისვა საკითხი მოსაცდელის მოწყობასთან დაკავშირებით.

შეხვედრის ბოლოს მაჟორიტარმა დეპუტატმა **კახა თედორაძემ** მადლობა გადაუხადა მოწვეულ სტუმრებს და აღნიშნა, რომ მისი უფლებამოსილების ფარგლებში მაქსიმუმს გააკეთებს იმისთვის, რომ მოგვარდეს ყველა ის პრობლემა, რომელიც მუნიციპალიტეტის მოსახლეობას აწუხებს, როგორც ინფრასტრუქტურული, ასევე სოციალური კუთხით.

პატივისცემით,

კახა თედორაძე

ლანჩხუთის მუნიციპალიტეტის საკრებულო-საკრებულოს წევრი